



**Ն.Ա.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ԿՐԹՈՒԹՅԱՆ ՄՇԱԿՆԵՐԻ ՕՐՆՆՈՒԹՅԱՆ ՕՐԿԱ ԱՌԻԹՈՎ**

(31 օգոստոսի, 2014 թ.)

Մեծարգո Տիար Արմեն Աշոտյան՝ ՆՄ կրթության և գիտության նախարար, հարգարժան ռեկտորներ բարձրագույն կրթական հաստատությունների, կրթության գործի պատվարժան պատասխանատուներ ու մշակներ, սիրելի բարեպաշտ ժողովուրդ:

Մեծ խորհուրդ ունի գեղեցիկ այս ավանդույթը, որ նոր ուսումնական տարին մեր երկրի կրթության ոլորտի պատասխանատուներն սկսում են Մայր Աթոռ Սուրբ Էջմիածնում միասնական աղոթքով: Մայր Աթոռ Սուրբ Էջմիածնից է սկիզբ առել հայ գրի ուղին՝ հավաստելով ու գիտությամբ լուսավորելու մեր ժողովրդի հոգին, հանճարացնելու գիտության և իմացության սիրով, հաստատելու ճշմարիտ ուղիներում, գորացնելու և պահպանելու հոգևոր ու ազգային մեր ինքնությունը: Նոգելիսնամ այս առաքելությունը բարեբերությամբ շարունակելու հայցով առ Աստված՝ Մենք գոհունակ սրտով Նայրապետական Մեր օրհնությունն ու բարեմաղթանքն ենք բերում Ձեզ և շնորհավորում 2014-2015 ուսումնական նոր տարեշրջանի մեկնարկի առիթով:

Այս օրերին հայրենի կրթական մեր բոլոր հաստատությունները դարձյալ հրավեր են ուղղում մեր սիրասուն զավակներին՝ քայլելու գիտելիքի և իմաստության ամբարման ճանապարհով, գորացնելու ազգային ու հոգևոր նկարագիր, դպրության և մշակույթի նկատմամբ սերն ու ճանաչողությունը:

Մեր ժողովուրդը միշտ կարևորել է գիտելիքը և ուսումը, որոնք, հակառակ կրած նեղությունների, էական և հիմնարար նշանակություն են ունեցել ազգային մեր կյանքում և բազմադարյա մշակույթում: Այսօր ևս մեր երկրի հզորացման, հայրենյաց կյանքի բարօրության, մեր պետության սահմանների ամրության և

մեր ժողովրդի պայծառ գալիքի համար անգնահատելի է ազգի ուսյալ զավակի եւ գիտակից քաղաքացու դերը: Սուրբգրային խոսքի համաձայն՝ րտունը շինվում է իմաստությամբ եւ հասարակում հանճարով, եւ գիտությամբ եւ շրեմարանները լցվում ամենայն պարվական հարսությամբ եւ բարիքով (Առակ. ԻԴ. 3-4):

Սիրելիներ, գաղտնիք չէ, որ Նայասարանի անկախությանը հաջորդած դժվարություններն ու մարտահրավերներն իրենց հեղքն են թողել նաեւ կրթության ասպարեզում: Ամբողջ մի սերունդ հասակ առավ, երբ մեր երկիրը զբնվում էր պարերազմական իրավիճակում, րնրեսական ու սոցիալական ծանր փորձությունների մեջ: Այսօր ուրախալի է րեսնել, որ ինչպես մեր ժողովուրդը, այնպես եւ հայրենի կառավարությունը ամենայն հոգածությամբ ջանքեր են բերում, որպեսզի մեր նոր սերունդն առավել կրթված լինի, հաղորդ՝ համամարդկային ձեռքբերումներին:

Նայրապեսական մեր գնահատանքն ենք բերում ՆՆ կրթության եւ գիտության նախարարության աշխատակիցներին եւ անձամբ նախարար Տիար Արմեն Աշոքյանին, ով րարիներ շարունակ ձեռնահատրեն դեկավարում է նախարարությունը եւ իր ավանդը բերում այս կարևոր ոլորտում նորանոր հաջողությունների կայացմանը:

Մեր գնահատանքն ենք բերում նաեւ կրթության բոլոր մշակներիդ եւ մաղթում, որ Բարձրյալն Ասրված միշտ գորակից ու ապավեն լինի ձեզ ձեր ազգանվեր ծառայության մեջ:

Այս խորախորհուրդ պահին, երբ ամենքդ ուխտավորաբար եկել եք Մայր Աթոռ Սուրբ Էջմիածին՝ Ասրծո առաջ աղոթելու եւ հոգեպես նորոգվելու, մեր հայցն է առ Բարերար Տերը, որ գորացնի ձեզ Իր շնորհներով: Աղոթում ենք, որ Տիրոջ օրհնությամբ ուսման սերը անրաժան լինի մեր զավակների սրերից: Թող ուսումնական նոր րարում առաքորեն արդյունավորվեն Ձեր նվիրյալ ջանքերը՝ հանուն մեր նոր սերնդի որակյալ կրթության, հայրենյաց ավանդներով ու քրիստոնեական մեր արժեքներով դասրիարակության եւ մեր Նայրենիքի եւ ի սիյուռս աշխարհի մեր ժողովրդի խաղաղ ու երջանիկ ապագայի:

Մեր Տեր Նիսուս Բրիսպոսի շնորհը, սերը եւ ողորմությունը թող լինեն ձեզ բոլորիդ հեյ: Ամեն:

Օրհնությամբ՝

ԳԱՐԵԳԻՆ Բ.

ԿԱԹՈՂԻԿՈՍ ԱՄԵՆԱՅՆ ՆԱՅՈՑ